

Na osnovu čl. 13. i 14. Poslovnika o radu Koordinacionog odbora centralnih jedinica za harmonizaciju, člana 2. stav (1) Odluke o usvajanju procedura za stvaranje, evidentiranje obaveza i izvještavanje o izvršenju budžeta KO CJH, broj: KO-11/2017 od 19.10.2017. godine, Odluke o održavanju godišnjih konferencija iz oblasti interne revizije i finansijskog upravljanja i kontrole u javnom sektoru u Bosni i Hercegovini u 2024. godini, broj: KO-02-2/24 od 15.02.2024. godine, a u vezi sa članom 2. stav (3) Odluke o budžetu Koordinacionog odbora centralnih jedinica za harmonizaciju u Bosni i Hercegovini za 2024. godinu, broj: KO-02-1/24 od 15.02.2024. godine, i Programom rada Koordinacionog odbora centralnih jedinica za harmonizaciju za 2024. godinu, broj: KO-12-1/23 od 29.12. 2023. godine, Koordinacioni odbor centralnih jedinica za harmonizaciju d o n o s i

## **O D L U K U**

### **o odobravanju sredstava budžeta KO CJH za realizaciju godišnje konferencije o internoj reviziji u javnom sektoru u Bosni i Hercegovini**

#### **Član 1.**

- (1) Koordinacioni odbor centralnih jedinica za harmonizaciju (u daljem tekstu: KO CJH), shodno planiranim aktivnostima iz Programa rada KO CJH za 2024. godinu, organizuje jednodnevnu godišnju konferenciju o internoj reviziji u javnom sektoru u Bosni i Hercegovini.
- (2) Naziv konferencije iz stava (1) ovog člana je „Primjena novih međunarodnih standarda interne revizije / Globalnih standarda interne revizije“
- (3) Konferencija iz stava (1) ovog člana biće održana 6. juna 2024. godine na području Republike Srpske.
- (4) Mjesto održavanja konferencije bit će određeno naknadno nakon okončanja provođenja postupka javne nabavke pružanja usluga organizacije konferencije iz stava (1) ovog člana.

#### **Član 2.**

- (1) Učesnici konferencije su rukovodioci jedinica za internu reviziju i interni revizori zaposleni u institucijama Bosne i Hercegovine, u javnom sektoru Federacije Bosne i Hercegovine, Republike Srpske i Brčko distrikta Bosne i Hercegovine.
- (2) Planirani broj učesnika na konferenciji je oko 400, od čega:
  - 60 iz institucija Bosne i Hercegovine i Brčko distrikta BiH,
  - 170 iz Federacije BiH i
  - 170 iz Republike Srpske.
- (3) Učesnicima konferencije obezbijedeni su ručak i osvježavajući bezalkoholni napitci tokom trajanja konferencije.
- (4) Panelistima na konferenciji i predstavnicima centralnih harmonizacijskih jedinica obezbijedeni su smještaj i ishrana tokom trajanja konferencije (jedan polupansion).

### **Član 3.**

- (1) Konferencija je planirana u formi panela za sve učesnike, prema usaglašenom sadržaju i agendi.
- (2) Agenda konferencije bit će izrađena naknadno i činit će prilog ove Odluke.
- (3) Za tehničku podršku učesnicima u vezi sa informacijama o smještaju, prijavama i obavještavanjem učesnika, kao i ostalim sadržajima konferencije, KO CJH će imenovati po jednu osobu iz svake centralne harmonizacijske jedinice.

### **Član 4.**

- (1) Procijenjeni ukupni troškovi smještaja za paneliste i predstavnike centralnih harmonizacijskih jedinica, troškovi ručka i osvježenja za sve učesnike tokom trajanja konferencije, te troškovi stručne i tehničke pripreme i same organizacije konferencije iznose do 28.000,00 KM bez PDV-a, a ukupne neto naknade za eksterne paneliste iznose 3.000,00 KM.
- (2) Centralna harmonizacijska jedinica Ministarstva finansija i trezora BiH zadužena je da osigura tehničku podršku za evidentiranje rashoda i izmirenje obaveza putem Ministarstva finansija i trezora BiH.

### **Član 5.**

- (1) Centralna harmonizacijska jedinica Ministarstva finansija i trezora BiH zadužena je da provede postupak javne nabavke pružanja usluga organizacije konferencije u skladu sa Aneksom II Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22).
- (2) Nakon sačinjene tenderske dokumentacije od strane Centralne harmonizacijske jedinice Ministarstva finansija i trezora BiH, svi članovi KO CJH dužni su dati saglasnost na tekst iste.
- (3) Centralna harmonizacijska jedinica Ministarstva finansija i trezora BiH će, nakon okončanja postupka javne nabavke obavijestiti KO CJH o odabiru najpovoljnijeg ponuđača i mjestu održavanja konferencije.

### **Član 6.**

- (1) Predavači na konferenciji o internoj reviziji u javnom sektoru BiH su predstavnici centralnih jedinica za harmonizaciju Bosne i Hercegovine, Federacije Bosne i Hercegovine i Republike Srpske i eksterno angažovani predavači/panelisti.
- (2) U svojstvu eksternih predavača/panelista biće angažovano šest stručnih osoba, čija će prava i obaveze biti regulisani zaključivanjem ugovora o djelu.
- (3) Planirani eksterni predavači/panelisti, njihove teme na panelima i prezentacije na konferenciji biće utvrđeni naknadno i činit će prilog ove Odluke.

### Član 7.

- (1) Ugovore iz člana 6. stav (2) ove Odluke će, u ime KO CJH, zaključiti Centralna harmonizacijska jedinica Ministarstva finansija i trezora Bosne i Hercegovine, i u istima će utvrditi pojedinačnu naknadu i ostale troškove u vezi s obavezama i prisustvom na konferenciji.
- (2) Obaveze eksternih panelista bit će detaljno precizirane u svakom pojedinačnom sklopljenom ugovoru o djelu.
- (3) Ukupna naknada po osnovu obaveza predavača/panelista iznosi 500,00 KM u neto iznosu po jednom panelisti, a pripadajuće poreze i doprinose plaća KO CJH u skladu sa zakonskim propisima.
- (4) Visina naknade obuhvata pripremu prezentacije, predavanje i učestvovanje u panel diskusijama, a utvrđuje se na osnovu procijenjenog broja sati za pripremu i planiranog vremena trajanja panela/prezentacije.
- (5) Troškove prevoza panelista radi prisustva konferenciji snosit će KO CJH u iznosu od 20% cijene litre benzina (eurosUPER 95) na dan 06.06.2024. godine po pređenom kilometru na odobrenoj relaciji, u zavisnosti od udaljenosti mjesta prebivališta do mjesta održavanja konferencije, te će naknada biti utvrđena posebnim rješenjem, a plaćanje će biti izvršeno kroz ISFU sistem.
- (6) Za predstavnike CHJ MFT BiH, CHJ FMF i CHJ RS ne obračunava se i ne isplaćuje naknada za učestvovanje u panelima konferencije.

### Član 8.

- (1) Sredstva za realizaciju konferencije obezbijedena su u budžetu KO CJH za 2024. godinu.
- (2) Evidentiranje obaveza, plaćanje i izvještavanje vrši se u skladu s Odlukom o usvajanju procedura za stvaranje, evidentiranje obaveza i izvještavanje o izvršenju budžeta KO CJH broj KO-11/2017 od 19.10.2017. godine.

**PREDSJEDAVAJUĆI KO CJH**

**Mr. Vladimir Stanimirović**

**Broj: KO-04-1-/24**

**Sarajevo, 9.4.2024. godine**

**Dostaviti:**

- članovima KO CJH,
- a/a.